

AHATA a cuminsa aña cu apoyo pa 10 organisacion importante den comunidad

DESPUES di un aña 2024 productivo y exitoso pa Aruba Hotel and Tourism Association (AHATA), e asociacion a bolbe duna sosten financiero na comunidad cu varios donacion. Danki n'e miembronan di AHATA ta posibel pa alcanza un suma total di AFL 50.000 na donacion.

E donacionnan ta apoya diferente iniciativanan, incluyendo educacion y derecho di mucha, salud mental, proteccion di medio ambiente, bienestar social y bienestar di animal. Di e forma aki AHATA ta sigui contribui na asistencia y proteccion pa varios temanan critico cu ta afecta nos comunidad.

Fundacionnan Beneficia:



1. Representantenan di **Stichting Hunto**, Directora, Dalgis Montalvo y Director Financiero, Randall Van Trigt a ricibi e donacion cu lo apoya nan centro di salud mental y adiccion. Di e manera aki AHATA ta contribui na nan programa di rehabilitacion, evaluacion psicologico y servicionan di terapia, cu ta yuda haci cuido mental mas accesibel pa personanan den nos comunidad.



2. Pa **Fundacion CasMarie**, Voorzitter, Yvonne Escalona y Coordinator Wellzijn, Jeanine Nicolaas a ricibi e contribucion cu lo asisti nan servicionan di pasa dia, guia, informacion y apoyo na famia p'esnan enfrentando e reto di algun forma di demencia, como por ehempel e malesa di Alzheimer's.



3. Pa **Fundacion pa Nos Muchanan**, Directora, Natasha Gilkes, a ricibi e donacion, cual lo yuda nan proyectonan pa capacita educador y nan cursonan di Stimami Guiami, cu ta ofrece informacion na mayornan di con pa miho cria y guia nan yiu. Di e manera aki mas mucha por haya un educacion cu ta aplica derecho di mucha y stimula nan desaroyo optimo.



4. Presidente di **ScubbleBubbles Foundation**, Nichole Danser a ricibi e donacion, pa sostene nan esfuersonan di conservacion maritimo hunto cu hobennan local, asina yudando restauracion di nos rifnan di coral, cual ta importante pa nos eco-sistema.



5. Pa **Bataya Escolar**, Director, Ian Heidweiler y representante Roy Mezas, a ricibi e donacion pa apoya nan →→→

iniciativa nobo cu lo tuma forma di un concurso nacional di scol. E concurso ti como meta pa stimula e desaroyo intelectual y fisico di studiantenan den 6de klas di scol basico.



6. Representantenan di **Luna Foundation**, Fundado y Presidente Zoraida Conijn y boluntario, Dalton Conijn a ricibi e contribucion cual lo yuda nan iniciativanan pa rescata y rehabilita diferente sorto di animalnan maltrata y bandona, pa asina sigui cuida y defende bienestar di animalnan.



7. Director di **Red Cross Aruba**, Stephen Daal, a ricibi e donacion cu lo apoya nan asistencia humanitario, incluyendo nan serviccionan di prome auxilio, casnan di emergencia y programa di asistencia social.



8. Representantenan di **Stimami Sterilisami Foundation**, Presidente, Ewald Biemans, Directora Tina Bislick y Secretaria, Crescenzia Biemans a ricibi e donacion di AHATA

cual lo yuda nan programa nacional cu ta cubri e gasto di sterilisacion di cacho y pushi, asina reduciendo e cantidad di “strays” riba nos isla y promoviendo cuida di mascota responsabel.

9. **Aruba Conservation Foundation (ACF)** a ricibi un donacion y lo dedica esaki na nan esfuersonan di conservacion di e ecosistemanan natural di nos isla, asina trahando pa conserva e biodiversidad y bunitesa natural di Aruba p’e generacionnan futuro.

10. **Aruba Birdlife Foundation** tambe a ricibi un donacion di e asociacion pa yuda cu nan programa di conserva nos Shoco.

AHATA ta gradici e esfuerso continuo y importante di e fundacionnan, reconociendo nan balor y impacto den e bienestar di nos pais. E asociacion ta duna danki na tur su miembronan pa haci e contribucion aki posibel y ta firme den nan plan pa sigui inverti den esfuersonan cuminitario cu ta fortifica Aruba como un luga vibrante, solidario y sostenibel pa biba y bishita.

